

PEMBERITAHUAN PERTANYAAN DEWAN RAKYAT

PERTANYAAN : BUKAN LISAN

DARIPADA : TUAN WONG KAH WOH (IPOH TIMUR)

SOALAN : NO. 500

TUAN WONG KAH WOH [Ipoh Timur] minta **PERDANA MENTERI** menyatakan bilangan penduduk dalam kategori miskin dan miskin tegar, serta jumlah yang didaftarkan di bawah eKasih bagi daerah Kinta, negeri Perak, dari tahun 2016 hingga 2018. Sama ada Kerajaan bercadang untuk menilai semula Pendapatan Garis Kemiskinan yang telah tidak dapat memaparkan taraf kemiskinan sebenar pada hari ini.

**JAWAPAN: YB DATUK WIRA DR. MD FARID BIN MD RAFIK
TIMBALAN MENTERI DI JABATAN PERDANA MENTERI**

Tuan Yang di-Pertua,

Kerajaan telah membangunkan Sistem eKasih sebagai satu pangkalan data kemiskinan nasional yang bertujuan untuk mendaftarkan golongan miskin di Malaysia dan mengklasifikasikan kepada kategori Miskin Tegar atau Miskin berdasarkan Pendapatan Garis Kemiskinan (PGK) semasa melalui proses verifikasi di lapangan. Kriteria penetapan kategori kemiskinan adalah bergantung kepada jumlah pendapatan per kapita isi rumah dan berasaskan kepada formula perkiraan yang telah disediakan oleh pihak Kementerian Hal Ehwal Ekonomi dan juga Jabatan Perangkaan Malaysia melalui Penyiasatan Pendapatan Isi Rumah 2016 ataupun *Household Income Survey* 2016.

Berdasarkan rekod eKasih, sehingga 15 Mac 2019, seramai 633,287 Ketua Isi Rumah (KIR) telah berdaftar dengan eKasih di seluruh Malaysia dan daripada jumlah tersebut seramai 55,307 KIR adalah di bawah kategori Miskin Tegar dan 135,032 KIR pula di bawah kategori Miskin. Manakala seramai 442,948 KIR adalah di bawah kategori

SOALAN NO : 500

Terkeluar. Data dalam Sistem eKasih adalah bersifat dinamik dan sentiasa berubah dari semasa ke semasa.

Pecahan statistik eKasih bagi Daerah Kinta, Perak adalah seperti berikut:

Tahun	Miskin Tegar	Miskin	Jumlah
2016	32	211	243
2017	27	209	236
2018	120	483	603

Kerajaan kini dalam proses membuat kajian semula pengukuran PGK yang digunakan supaya lebih menggambarkan keadaan kemiskinan semasa negara. Sehubungan itu, model PGK semasa akan dikaji semula dengan mengambil kira corak penggunaan (*consumption pattern*) makanan dan bukan makanan serta keperluan dan demografi semasa isi rumah. Selain itu, keperluan kalori semasa rakyat Malaysia bagi PGK makanan akan turut dinilai semula dan dikemas kini. Hasil kajian semula ini dijangka akan menjadi input penting dalam merumus strategi pembasmian kemiskinan dalam Rancangan Malaysia Ke-12 (RMKe-12) 2021-2025.

Sekian, terima kasih.